

度
支
奏
議

度支奏議目錄

雲南司十三卷

覆蘓松撫按查叅同知王德純疏

覆總漕題留輕賁銀兩修船疏

題節年漕折輕賁積逋未完疏

覆王漕院條議漕規四款疏

覆監兌吳澧朴責運弁張應斗疏

題漕糧積欠追比續完數目疏

覆南京兵部直陳運規定制疏

再題酌議漕糧銷算抵欠規則疏

覆總漕鹽城水災漕糧半折疏

再覆輕賁羨餘分給淮庫修船疏

覆總督倉場題運弁給銀一槩稽留疏

覆通廳劉夢桂開壩工程免議疏

覆戶科摘叅運弁侵糧數多違限不追疏

度支奏議卷之十三

太子太保戶部尚書淄青畢自嚴視草

覆蘇松撫按查叅同知王德純疏

題爲漕折隨運並進經徵玩怠未完特疏糾叅以肅漕規以激惰窳事雲南清吏司案呈四月二十五日奉本部送戶科抄出巡撫應天右副都御史曹文衡會同巡按御史饒京題前事內稱漕糧漕折總屬一體漕運旣已輓弛爲張咸切急公之義漕折自應如期集爭共抒體

國之猷臣于去歲開徵時催本色卽催折色並
霆鞭於正月開幫時儻起運卽儻起解幾于
敝乃有情悞不前如署嘉定縣事同知王德純
者奉期會之令充耳如寢任催科之責袖手相
祝只今闔屬漕米盡將抵灣該縣漕折尚未完
解倘歲歲相尋泄泄從事不幾墮漕規而誤軍
國乎當閭左有秋之慶猶然供億弗完是爲理劇
無才當

國賦孔棘之時甘於徵發獨後是爲奉公忘念所

宜責其戴罪督催俟完日議處者也等因具題
四月二十一日奉

聖旨王德純玩悞漕折着戴罪督催完日議奪錢糧
嚴禁那支已有屢旨着該部條飭具覆欽此欽遵
抄出到部送司隨將那支錢糧條議具覆外其
王德純玩悞漕折當卽呈堂咨行應天撫按勒
令本官戴罪速行督徵俟完日議奪去後今奉
本部送准應天巡撫莊祖誨咨前事內稱據蘇
松兵備副使將英呈據蘇州府申准嘉定縣署

申同知主德純開稱上年十二月委署嘉定縣
印務于二十二日到縣受事查得本縣漕折銀
兩額該七萬三千九百三兩零謝知縣任內奉
解戶陳明解過銀四萬五千兩到府已委縣丞
朱家臣領解訖餘二萬八千九百三兩零因借
放元二兩年分京邊等項未完職極力徵比完
解間又蒙撫漕二院憲牌催給漕船官軍月糧
停舟待濟急更倍于漕折吳淞兵餉挾帆以求
勢更迫於庚呼兩項不下萬五千金既恐運期

違悞又恐譁兵鼓譟干係匪輕只得解放其漕
折銀二三月內又解過二萬二千一百兩止未
完銀六千八百三兩零乃蒙撫部會題奉

旨着職戴罪督催完日議奪已微

寬典隨于五月中照數解府今委縣丞姚允達領解
訖不得不一聲鳴轉詳開釋等因准此隨該本
府知府史應選轉申漕折業已十分全完相應
轉呈伏乞特賜轉請咨部准與開釋等因到道
該道轉申到院據此該本院看得漕折一項係

隨糧徵解急需豈容遲欠乃蘇州府同知王德純代庖嘉邑迫於措給兵餉以致漕銀完不及額其何逭于

功令自奉

明旨戴罪督催之後卽殫力設法徵完差官解訖計算前後起解銀數已屬全完無欠則本官原蒙戴罪似應開釋以昭勸懲相應咨請煩爲查照議奪施行又奉本部送准都察院咨據巡按直隸監察御史饒京呈同前事內稱漕折錢糧查

果無欠同知王德純卽應開釋等因到部送司
查得先該巡漕御史王邦柱題爲舉劾有司官
員等事內叅同知王德純署管嘉定縣印務該
縣漕銀臣差役守催業已報完解府孰意那移
借用仍未解銀一萬一千有奇臣嚴加督責於
四月十二日方始全完此一臣者所當量加罰
治以儆那移違誤者也緣繇具題奉

旨下部業該本部覆議本官銀雖全完法不可貸應
罰俸一年奉有

欽依在案今據撫按咨會前因查係一事相應具

開釋案呈到部該臣等看得漕折銀兩原與漕糧同派隨運並進以備京軍折色之用無容延緩今查蘇州府同知王德純署理嘉定縣務崇禎三年漕折緣係壓徵倒應隔歲通完本官不能刻期徵解致煩應天撫按題叅奉有

明旨戴罪督催完日議奪仰見

皇上整肅漕規於充裕

國用之中仍留本官自効餘地今查該縣額銀十

萬三千九百三兩零先後解部通完無欠本官
凜承

明命拮据督催固不遺餘力矣茲據撫按合詞咨請
開復蓋念其後來之勤勞足補前日之罪戾嘉
予維新之意也且王德純業經漕臣王邦柱亦
以漕折題叅臣部覆擬姑念全完罰俸一年奉
有

俞旨亦足以示勸懲矣合無仰祈

聖慈准照前疏罰俸免其戴罪俾小吏咸知信賞必

罰所不感奮以圖報於將來者非夫也既經
按咨請前來相應題

請恭候

命下臣部行文各該衙門欽遵施行

崇禎四年閏十一月二十一日具

題十二月初四日奉

聖旨是欽此

覆總漕題留輕資銀兩修船疏

題爲漕廠空匱已極料銀逋負日多懇乞

聖明嚴飭速解以濟船工事雲南清吏司案呈本年
十一月十一日奉本部送戶科抄出總漕部院
李待問題前事內稱漕之需船也所關攸急而
造船與修船兩項錢糧各別不容混淆向因接
濟不敷未免通融措給歲月旣久頭緒愈勞客
歲奉

旨補造積缺年例等船工料無措該臣通查省直原

額供辦大小料銀完欠數目據清江廠工部分
司及淮安府開造內南京各衛自天啓六年起
至崇禎三年止共欠軍三小料銀除解過外尚
欠三萬二千七百餘兩題奉

欽依責令應天府推官督催數催之後各衛始以江
浙輕賞并戶部鹽引紙價抵解緣繇具詳臣思
料銀旣以抵筭各運弁自不應解納矣乃又有
以六升餘銀抵解者種種不明該臣批駁再四
司府咸稱向之所開者皆照清江廠志書原載

額數而言後來京軍掣回改充運軍原不載忘
書之內故仍照當日數目開報今窮本清源極
力搜查考之議卑漕乘諸書抵解銀項兩相符
合始得清楚則江浙輕賞爲京衛造船銀非江
北修船銀無疑似難復索料銀于京衛矣而六
升米銀係允江南糧米各衛修船之用餘銀解
交淮庫添奏江北修船者當日祇知解淮衛升
卽認爲小料承訛襲舛愈遠而愈混其真今旣
各歸各項以輕賚還船料而江北各衛歲該修

船一萬三千餘金內除旱脚銀二千八百八十

餘兩原係修船額項再加灑帶六升餘銀多寡

原無定數總計不足工費三分之一其餘原出

一分羨餘每年戶部於輕賚銀內咨扣七八千

兩不等自萬曆三十八年以來竟未扣發先年

漕庫尚可支持又有災折暫減糧銀可以濟用

今經數番搜括之後庫藏如洗近值大倉告急

又無改折減存糧銀且各衛缺船節次補造灑

帶漸稀扣銀日少錢糧日益不敷各衛修船將

何以應事窮勢迫不得不以羨餘歸還修船也
既經司道府廳先後勘明具詳前來相應具題
伏乞

勅下戶部查照議單舊例將一分羨餘銀照舊歸還
淮庫以濟修船之用庶錢糧得以明析運事可
免坐誤矣十一月初七日奉

聖旨戶部查議具奏欽此欽遵抄出到部送司查得
議單一欸萬曆八年題

准錦衣旗手上江下江四總淺船軍料旗造一百三

十一隻照舊支江浙三四輕賞銀四千六百六
兩七錢廠造七十六隻照舊支南京戶兵二部
鹽引柴薪銀二千七百四十八兩又一欸萬曆
二十二年題

准解淮一分羨餘銀兩差官往返不便每年將銀數
咨行總漕衙門於次年輕賞銀內照數扣除前
差停止又萬曆三十九年該帶管總漕總河僉
都御史劉士忠題議扣留輕賞一分羨餘以備
修船之用本部覆奉

欽依照依舊例每年於運完之日聽通糧廳銷筭明白剩多解多剩少解少不得預扣輕賁各等因在案今總漕題奉前因相應議覆案呈到部該臣等看得漕船有關運務固稱急需但造船與修艖原是二項今據總漕臣李待問題稱江北各衛修船之費歲該一萬三千餘金動支旱脚銀二千八百八十餘兩又灑帶六升餘銀一千餘兩此外以輕賁羨餘銀扣解充用議單所載似屬有據但查此項輕賁歲額四十萬兩自萬

曆三十八年以後或借作銅本或那造

府第或借放宗祿缺額數多先該臣部會同戶科
題

請極力清查原議每歲於內動十萬兩抵充舊餉奉
有

明旨今歲以米折不敷僅止撥充五萬而其餘皆儲
爲折色之用他如沿途盤剥造船製袋及車船
等役腳價運官完糧簞羹等項并修理閘壩及
邊糧貼邊諸費所需復又不貲且臣部前因每

年解庫錢少行令通廳備查歷年淮上透支甚多遂將此項銀兩併歸太倉收放議將每年支剩銀兩留爲支放各軍折色之用如本年閏十一月京軍折色臣部題動四萬兩作正支銷何一非輕賁之支用也又查崇禎三年九月內該臣部題覆總漕臣李待問條陳陳輕賁事宜一疏議留江北五府州縣及截扣應天一府共輕賁銀三萬四千五百四十四兩有奇除河工銀二萬六千五十餘兩專供疏濬河道之用外其餘

料旱脚銀七千四百餘兩專供各衛修船之用
又何莫非輕贖內之額銀乎兼以各省解納未
必如數如期方在徹底查筭具題催解顧安得
有羨餘以資淮上扣充修船之費耶况三十八
年以後會未扣發該衙門亦未嘗呈討或有見
于脩驗之未嘗缺耳二十餘年既可撐持值今
國用詘乏之際乃執往例而求恐臣部不能爲無
米之炊也是在當事諸臣多方搜括悉心調劑
務使船工無誤

國計不匱而後可耳既經該司查議前來相應具
題恭候

勅下戶部移文各該衙門一體欽遵施行

崇禎四年十二月十五日具

題本月十八日奉

聖旨輕賞羨餘分給准庫脩船既稱議單所載何故
二十年來會未扣發又該部去年題留七千餘金
專供各衙修船之用是否卽係此項還着明白奏
來欽此

題節年漕折輕賞積逋未完疏

題爲漕折輕齎積逋未完謹請

明旨責成撫按嚴督催解以裕

國用事雲南清吏司案呈卷查崇禎三年二月內
該本部題爲漕銀徵解太緩累咨催取不前等
事二十八日奉

聖旨這叅罰催徵俱依議以後漕折銀兩着與輕齎
同入考成該部卽通飭行欽此九月內又該巡漕
御史龔一程題前事十三日奉

聖旨漕折正額錢糧如何積歲久違屢催未結這已
完各官姑免降俸住俸未完的該部分別議處仍
嚴限督解其動借銀兩着該撫按速查完補不得
玩延該衙門知道欽此又該本部題爲遵

旨查明監允司官等事九月十四日奉

聖旨這三省借用輕齎銀兩着該撫按嚴行司道依
限解進違玩的部科叅處欽此十二月內又該本
部題爲回

奏續完輕齎分別完欠等事二十七日奉

聖旨卿部以逋賦日多屢請重考成信功令及至徭
罰輒議從寬曲法徇情殊乖政體且同一罰例而
欠多者反擬輕條倖遷者又得減等揆情更覺失
平若去任復往守催事體果否妥便至前後更代
不常完欠分數各別必須查核明白方免甲乙游
移其後官代前督催者免行降革罰止住倖情法
允愜還再查議明確具奏欽此呈堂行文各該撫
按查核明白去後崇禎四年六月初四日奉本
部送戶科抄出總漕部院李待問題爲恭報催

完崇禎三年輕齋銀兩事六月初一日奉

聖旨該部查覈具奏欽此八月十九日又奉本部議
戶科抄出巡漕御史王邦柱題爲恭報崇禎三
年漕折全完事八月十七日奉

聖旨這解完漕折銀兩併胡順等該部查議具奏欽
此欽遵通抄到部送司除胡順等漕折全完已
經湖廣巡撫魏光緒于六月內具題本部覆

准開復外查漕折輕齋銀兩自天啓六年算至崇禎
三年漕折在河南共欠二千四百八十九兩四

錢零在湖廣共欠一萬三千四百五十八兩
錢零在南直共欠四千二百一十五兩三錢零
輕齋在江西共欠二萬七千一百七十一兩
錢零在湖廣共欠一萬七千九百五十六兩
錢零在南直共欠六萬三千六百二十兩零
相應題

請督催速解案呈到部該臣等看得漕折云者謂其
易本色爲折色原係兌運正額輕齋云者謂其
以折色運本色原係隨糧派徵均當同漕糧並

至不得延緩拖欠者也向來有司玩愒成風致積欠數多前該臣部題叅奉有

明旨切責今查叅後諸臣警心

功令漕折輕齎完納已多然尚有逋負未完者非地方之疲瘠則別項之挪移是安可遂寘不問也臣部堦底清查將漕臣所報冊籍備細磨勘自天啓六年起至崇禎三年止而漕折欠者河南等省直尚共二萬一百六十餘兩內有那借未補銀三千五百四十餘兩輕齎欠者江西等

省直尚共欠一十萬八千七百四十餘兩內有
那借未補銀四萬五千三百九十餘兩臣部催
解之檄不啻再四而逋者尚有如許雖多前官
不了之局而接管之司實有專責乃借者不補
欠者不解積玩相沿未嘗留心照管不知二項
銀兩皆京軍之急需與邊方之命脉有不可須
臾緩者臣部遵例查叅要亦州縣有司自取之
咎而非臣部有所苛求其間也查前項欠數如
寧太徐鳳等府解到銀一萬五千三百一十餘

兩並不明開州縣臣部實難混爲銷算不得不
仍作未完仍候撫按詳開細數始可銷欠又各
州縣欠數有已經漕臣題叅者亦有未經題叅
者臣今按冊查算其有職名者不敢不據數詳
註照例叅罰其無職名者因當日題叅未經詳
開止以欠數定罰例亦不敢不據實開列再查
職名總期分別勤惰用示勸懲已耳合無請

勅各該撫按逐年清查原叅官員曾否完解曾否陞
轉并開經徵見任接管職名其已經陞遷者不

責前官而責後官并那借者責成藩司該府
爲查明正項措處抵補務在勒令十分全完通
限次年二月以內據實造冊回報聽臣部再行
叅奏倘過限不報則有查叅考成之法在臣部
不敢少爲寬假矣謹將節年欠數臚列

上陳伏候

命下臣部行文各該衙門一體欽遵施行

崇禎四年十二月十八日具題本月二十二日奉
聖旨據奏漕折輕齎銀兩積逋尚十餘萬內那借數

萬竟不抵解又寧太等府所解不明開州縣漕臣
題叅亦不盡列職名顯屬玩視功令故意朦混好
生可惡着卽嚴行該撫按逐年挨查經管各官不
論去任接管通行詳明開寫奏奪仍一面勒限督
催其那借的責成藩司該府未完的責成見在
有司務如期照數盡行完解再若違誤指實叅來重
處撫按隱庇一體並治不饒該部查叅責成亦宜
畫一實行毋得迫時呼籲平時又多瞻徇致誤國
計欽此

覆王漕院條議漕規四款疏

題爲歲運告成單限已復敬據一得之愚以勸軍國以備

聖明採擇事雲南清吏司案呈崇禎四年九月初六日奉本部送戶科抄出巡漕御史王邦柱題前事內條議漕規四款一申明定限以速開幫夫漕運一役繁且鉅矣羣力之不齊渙於久媮人情之多玩狃于積弛今也轉弛爲張挽遲爲速而過淮議有定限江南二月初旬浙江二月末

旬江廣三月初旬題奉

欽依違悞叅處然過淮之遲速實因于開幫之後先
前該臣酌議除山東河南側不過淮外其餘省
直俱限十二月以裏盡數完兌開幫或間有零
船找兌不得踰正月月中旬各省直撫按查明完
兌與否俱以正月月中旬據實題報如兌運倘有
未盡先將有司運官一併叅治仍令戴罪兌發
領運候抵通日容臣甄別舉劾仰荷

聖明採納

特賜俯俞各省直撫按諸臣以是限督之有司皇皇
乎惟恐弗及而有司以自限自惕凜凜焉惟恐
逾期是以開幫無違而過淮過洪節節依限行
之今歲業有成效似應著爲定規載入議單庶
幾永遵無斁也一酌議截留以省剥運夫津門
之有截留也以各幫之有帶運也每正糧十石
帶運遼糧一石五斗以正糧三百石計之則每
船不下四十五石矣且一船所載之正糧不止
三百而帶運之數等而加之又不止此當年酌

議截留惟擇整幫或因其便於收受以免零星
而且因重船之阻凍派截尾船以速回空耳跡
是各幫官旗垂涎於截津之便啓徘徊觀望之
心船一抵津趲趲不進夤緣鑽刺科需滋擾邇
者深鑑此弊或議坐截於過淮或議定派於抵
津見之章疏不一而足無非爲杜絕奸弊之計
耳然重艚旣抵務關官旗往往告剝則與其起
剝於津門以北何如以各幫帶運之糧逐船截
收之爲得乎一以代剝運之艱一以省水腳之

費一以杜旗軍觀望之端一以絕運弁科派之
援誠一舉而數善備焉一酌明事權以重責成
夫南京衛弁原屬之部科管轄更番印運亦屬
之部科定擬通計三十四衛分派四十六幫共
該軍船一千六百餘隻一切僉旗造船督催赴
次頭緒紛拏羣情傲慢其遲其速悉責成於應
天府推官在推官奉行惟謹促之必嚴在軍衛
視若贅疣急之反緩總之以不相統攝之官而
欲使其稟承之速是以掣肘而難行也茲值漕

限至緊

功令至嚴而僉造督發豈容一日怠玩則推官事
權不可不重也外衛諸弁賢否取之推官而推
官因之加重提掇自靈京弁之賢否與推官無
涉故催呼不應祇茲抗藐而運升旗軍戀任私
家遲速任意非所以重責成也臣愚謂以後行
令應天府推官督責各衛掌印官嚴催官旗船
隻限十一月以裏盡數差人押發水次領兌取
水次收管類繳推官查覈開具各衛掌印官職

各分別遲速定擬等第呈送總漕巡漕具疏題
報速者優叙遲者叅革則人情振勵而督發無
違矣一坐派水次以速兌運夫州縣糧米原有
額徵之數軍衛船隻亦有額運之糧因州縣水
次或有肥瘠而輪流派兌所以通下情也第一
歲派一衛明歲又更一衛糧里謂此係新更之
旗可得而欺瞞也一切盡會加增意且欲減少
于數之中旗軍謂此係新派之次可得而需索
也各項交兌糧耗意更欲增益於數之外彼此

爭論曠候時日赴次雖早而交兌亦遲甚矣輪
更之誤也以江省言之每苦于楚省旗船之遲
盍若定派某衛船若干隻領兌江糧在江省有
司知有定派之幫船先期迎催以速兌在楚省
弁卒知有定派之水次預期料理以赴運而較
斛開兌年年循有舊規不待爭論其便爲何如
也再將派定官旗行月糧銀申飭楚省有司不
得徑給官旗勒限於十月以裏解交江省糧道
查收候楚省弁卒到次支發而楚省弁卒又知

行月糧銀俱解江省戀住私家無益也如該年
十月終楚省糧銀尚未解至許江西糧道具呈
漕臣叅處他如浙江南直各衛所水次亦應定
派而紛更可省鑽營可杜爭論可息兌運可蚤
是在酌議以審處之耳等緣繇九月初二日奉
聖旨該部酌議具覆欽此欽遵抄出到部送司查得
坐派水次一款向係總漕部院職掌隨卽呈堂
咨行查議去後迄今未准咨會前來但時日已
久以難再緩相應酌覆案呈到部該臣等看得

年表漕運積弊救厘

皇上焦勞庶事宵衣旰食莫不各効一得以故頃洗宿弊
創立新規凡有關漕運者亦幾無遺議矣今漕
臣王邦彥等年自擊復以四事上

請如申明規條以速開幫責成推官以重事權洵漕
政之要務從涉歷中拈出所當亟行遵照以共
艱漕務者至于截留津糧先是崇禎二年該總
漕臣李待問議定分幫輪派奉有

俞旨似可無煩紛更矣坐派水次原係總漕酌定今

亦當屬之總漕但以楚船而兌江糧每苦遲悞
若行月糧銀先期徵完交付江省糧道收貯支
給則繫戀杜而赴次急亦所以速輸輓矣旣扼
漕政之關鍵更酌漕事之因革亦惟求有利無
弊耳謹列款覆

請恭候

勅下臣部移文各該衙門一體欽遵施行

計開

一申明定限以速開幫該臣等看得糧艘開

幫一節原係喫緊關頭先該臣部條議
直漕糧俱限十二月兌完開幫責成撫按
具疏奏

聞違一月者罰俸一年違二月者降職二級遵行在
卷前漕臣王邦柱慮恐游移未免遲悞題
請再爲申明令其確然遵守業經臣部覆奉

欽依今歲運事較之去年蚤竣兩月乃已見之成效
也委應載入議單永著爲令

一酌議截留以省剥運臣等看得截留津米

因各幫有帶運者卽令逐船截取一以省
剥運之艱一以省水脚之費漕臣之議良
是但查津門截留漕糧每歲約五十萬有
奇向因奸弁鑽營未免多生觀望先是崇
禎二年總漕李待問條議有輪幫坐派之
例業行一年後因虜變中止近經督臣錢
春條議分幫輪派宜行一欵業該臣部覆
議仍聽總漕臣于十三總內每歲輪派兩
總截留津門週而復始勞逸適均旣無營

求之費而虧折自少亦無逌遛之望而鼓
棹直前計無便於此者若欲逐船截留恐
萬艘雲集每艘俱停泊數日求速而得遲
非計之得也總漕前議已奉

俞旨不必再爲更張矣

一酌明事權以重責成臣等看得司李之權
在各府可行於衛弁而應天每苦於梗令
以其不相統攝也南京各幫督催赴次既
已責成應天推官而各弁多以弁髦視之

何以展布四體漕臣謂必以押發領兌責其督催卽以優叙叅革聽其甄叙總漕巡漕據以具題在衛弁知有統屬自當奉行唯謹而推官知有專責亦且竭蹶而趨事矣

一坐派水次以速兌運臣等看得各幫水次有輪撥有坐撥在總漕自有成規似難執一而不變者然或因更換而遲悞或因新派而爭執求速得遲階之爲厲漕臣議令

坐水次以定衆志苟非年遠獎滋誠不
仍舊貫之爲愈也又謂楚船赴江每見爲
遲迎催赴運無可下手漕臣議欲預定幫
次一切行月糧銀預解江省聽彼中糧道
分給令官旗知銀已解發必到次始獲支
領總不能急公如家料亦且趨利如鶩將
見官旗不催而至不疾而速矣仍定限十
月以禪糧銀照數解發若後期者據實揭
報漕臣察處則地方有司罔不徵解恐後

矣

崇禎四年十二月二十三日具

題本月二十九日奉

聖旨漕規定限責成等事已有屢旨其行月糧銀轉
解給發如或愆期反致藉口不必行欽此

覆監兌吳澄朴責運升張應斗疏

題爲遵

旨具奏事雲南清史司案呈卷查本年七月初十日
奉本部送戶科抄出湖廣巡按御史白士麟題
爲懇恩俯察造船有無違玩仰祈

聖明勅部分別功罪以服人心事內稱漕儲重務押
運造船各有專責漢陽府通判魏應元避嫌離
任其推官劉熙則續委代管之官也本官承人
之乏又值漕政戒嚴之日凜凜

功令夙夜在公採木鳩匠委有勤勞至於工完
水俱在限期之內領運者則軍伴韓國佐等受
押者則通判羅學伊至黃州則有推官歐起鵠
至境外則有通判葉玉衡委押交割歷歷甚明
本官督造之局已完自茲以往或前途遲速或
押迎先後於本官無涉也又據糧道副使劉永
祚報稱楚省督造左沔江糧新船節次遵奉嚴
催於正月初旬俱已報完陸續登水本道親臨
武漢二廠查驗甚確止因各衛官於歲前率領

旗甲在江西兌米來遲又因江省無官督押一
任逗遛本道於三月初二日舟次儀真見零船
未至復委通判羅學伊自儀真返棹遡江流直
抵鱖魚嘴星夜催押各船至本月望後俱進聞
失此皆彼中押運之事又非造船者所得干與
也漕院之糾緣糧道轉報稍後而入奏在先所
以慎重漕儲之意而嚴爲督責俾任事者不敢
弛其擔旣奉

明旨下部查議則本官勤勞可念又當分別功罪以

昭勸懲者也又查得沔陽衛指揮張應斗到次
稍遲該江西省監兌衙門幾斃杖下旋至儀真
報故矣此弁經手錢糧尚未交京誠恐旗稍人
役乘機侵盜異日波累於楚并乞

勅下該部移文江西監兌糧儲各官將指揮張應斗
原領錢糧責令本船旗稍人役查明交割庶免
侵漁之弊等因七月初八日奉

聖旨據奏劉熙造船無悞王邦柱前叅豈屬無據着
該部核議具覆張應斗原領錢糧着行該省查明

交割本內監兌衙門幾斃杖下是何緣故着一併
查來該部知道欽此該本司呈堂咨行該撫按將
張應斗原領錢糧并幾斃杖下緣故查奏一面
該本部將推官劉熙議覆七月二十八日奉

聖旨劉熙依議罰俸半年羅學伊該撫按疏內但稱
先押運在途不明開曾否委造船隻殊屬含糊張
應斗原領錢糧及幾斃杖下事情俱着嚴催查明
速奏欽此又節呈堂咨催去後今於十月初四日
奉本部送戶科抄出江西監兌主事吳澧題爲

明旨炳若日星人言誤相波及謹直寫兌運情形仰
祈

聖鑒立賜處分事內稱臣於今年正月二十日有衛
官藐法悞運一疏續於二月十五日有江省兌
務已竣楚船復載遲悞一疏皆言楚弁之玩楚
船之誤而江西撫按二臣亦會疏具言之總漕
臣李待問巡漕臣王邦柱熟悉其狀會疏叅造
船官此耳目昭彰公論僉同之案也今楚按臣
據推官劉熙之詳自謂無悞然取其開報月日

一一質之已明供一誤狀矣臣恭查

欽定議單應造船隻限十月終赴次受兌而去歲頒示之例限正月正完兌開幫屢奉

天語叮嚀振飭至畫一也若造船官劉熙所云正月三十日造完二月十九日批差管押此於議單明旨相違甚矣卽曰劉熙受事在後然楚中之官自當有任其咎者奈何冒稱無誤誠臣所未解也又據糧道劉永祚云江西無官督押一味逗遛此語蓋非矣夫武左沔陽二衛當兌米時強半

霍覓民船尚有不足數者臣與江省撫按糧道
諸臣爲之設法協霍僉謂楚艘卽來復載耳及
臣尾押出湖至鱗魚嘴楚艘猶不至乃遣承差
李國堯晝夜往湖廣催取臣二月十五日疏可
覆按也越三月十三等日總漕差官馬繼援湖
廣通判羅學伊臣差人李國堯始押新船陸續
奔到儀真聞口皆於鱗魚嘴交卸是楚之新船
始終不到江西水次也江西之米旣先爲裝運
於半途以俟則逗遛之故在江西乎抑在湖廣

乎若沔陽衛指揮張應斗乃臣前疏所劾貌法
誤運者也此弁于正月二十三日始到水次臣
以議單按之運官至十二月不到次者降職三
級調衛差操又以臣所奉

勅書按之軍衛有司船糧過限不到輕則懲治重則
拏問叅奏且

明旨限正月中旬盡數開幫而應斗徑于終旬到次
貌法誤運臣旣題疏叅矣豈有明正其罪而不
加懲責之理然臣當日猶念旣疏叅候

旨可勿重懲僅薄責十板以申漕法此各衛官所共知也從此應斗較斛驗米覓雇船隻晝夜兼兌未嘗以恙聞也念三日到次念四日起兌初二日完兌開幫後以二月二十九日至儀真時亦未有恙也到儀真叅謁各衙門尋被巡漕臣戒責則其無恙益可見矣越三月初四日臣約糧道臣黃應秀踰候楚舟而身押江西南京等衛先率渡淮於時張應斗未見始自稱其病詢之云平昔有蠱脹之疾因憂勞復發及臣自淮回

至揚州舟遇道臣黃應秀乃知張應斗已歿道
臣卽以伊子代父領運矣今按臣之疏云到次
稍遲江西監兌衙門幾斃杖下是實知應斗之
被杖在到次日也又曰旋至儀真報故夫應斗
歿故之日臣記憶未真然的在三月中旬相距
到次時已五十日則幾斃杖下之云按臣明解
其非是矣何爲漫加耶至於該衛錢糧尚未交
京按臣恐旗稍人役乘機侵盜乞

勅該部移文江西監兌糧儲各官查明交割良爲遠

慮殊不知張應斗病困時一切錢糧已藉其子
攝理及歿時道臣黃應秀卽以其子代父領運
原無待交割者矣等因十月初二日奉

聖旨該部併將原疏看明來說不得互調徧徇欽此
欽遵抄出到部送司卷查本年二月內該江西
監兌主事吳澧題爲衛官藐法悞運乞

聖明乾斷風行以速漕務事內奉沔陽衛運官張應
斗正月中旬尚未抵次武昌左衛運官張明錦
隨幫千戶葛延到次旣遲缺船又多運糧把總

並不相聞廣信所千戶胡龍吟臨時巡運且舊
船全燬新船未完至於督造官劉京亦難辭責
緣緣二月二十七日奉

聖旨漕運無悞全在開兌如期乃張應斗屢檄不至
旗船並稽本當提究姑着降二級戴罪領運張明
錦等違期缺船念已開幫也着戴罪通俟運完奏
奪胡龍吟臨運潛逃尤屬非法着李待問嚴提究
擬湖廣運總暨督造劉京併議罰治具奏該部知
道欽此三月內又該監兌主事吳澧題爲江省兌

務已竣楚弁復載遲悞再乞

聖明大奮乾斷以肅漕法以固

國計事內續叅張應斗等於二月初三日之後沔
陽衛民船十三艘武昌衛民船二十三艘留泊
鰓魚嘴等處張應斗躬在此處候船張明錦已
先迺回雇船葛延原係督造新船虛領錢糧不
蚤鳩工及運事屆期復卸擔他人以致遲悞湖
廣把總黃河泰職司總運不一查問遲悞誤事
均應降級戴罪完糧日定奪緣繇三月十四日

奉

聖旨黃河泰張明錦等旣誤漕期且着戴罪贖還到
日奏奪該部知道欽此俱經呈堂通行總漕部院
併江西湖廣撫按各衙門逐一遵行在卷今於
閏十一月二十三日奉本部送准都察院咨開
據湖廣巡按御史白士麟呈稱會同湖廣巡撫
魏光緒看得武昌府通判羅學伊先果委造船
隻而後押運今旣劣轉無容復議相應呈請達
部具呈到院合咨查照等因又於十二月十一

日准坐糧廳手本內查張應斗原領兌江西瑞
州府高安縣崇禎三年分秋糧係應襲張家隆
并隨幫百戶史邦紀鎮撫陳一龍代運未及抵
壩隨幫二員素糧潛逃惟應襲張家隆見在共
正兌漕糧二萬一百五十二石一斗八升坐撥
京倉并截留餉糧除京倉無欠掛欠餉糧六千
八百九十四石五斗一升五合八勺三抄一撮
改兌米五千九百五十二石遼糧三千九百一
十五石六斗二升坐撥通倉除收受外掛欠米

一千三百九十五石六斗二升七合等因爲照
羅學伊先委造船情節併張應斗交糧數目俱
經各該衙門查覆前來相應與御史白士麟主
事吳澧各原疏一併看明具覆奏呈到部該臣
等看得造船押運俱關漕務今歲江右糧艘據
報抵次開兌亦已如期無誤惟沔陽衛運官張
應斗正月中旬尚未抵次武昌左衛運官張明
錦隨幫千戶葛延到次旣遲缺船又多則違誤
開兌實楚弁也監兌吳澧有衛官藐法誤運一

疏及登舟解纜各船無一留行獨沔陽衛民船
十三船武昌左衛民船二十三艘留泊鱗魚嘴
等處以待新船復載則逗遛不進實楚船也監
兌吳澧又有江省兌務已竣一疏俱奉有

明旨立案然此楚船誰實督造則漢陽府推官劉應
亦難辭其責矣特念其以續委代管之官復又
完工於三月爲限之內此按臣白士麟以懇恩
俯察造船有無遲玩一疏代請而臣部亦以罰
俸半年改擬覆奉

欽依惟是張應斗之受責也委以抵次過限故耳乃
受責于正月二十三抵次之日而其歿也乃在
三月初旬開幫押運之時相距幾五十日則非
杖斃明矣故按臣亦僅曰幾斃杖下云爾大都
江楚相距道里旣遙楚船江運期會易愆造新
舟而刻日領運本難卒辦因朴責而封域岐視
未免猜疑其實監兌在漕催漕乃其職掌而按
臣在楚憐楚亦出目擊所請

勅部移文查明交割惟恐此弁經手錢糧各役乘機

侵盜今監兌吳澄疏稱應斗病時已委其子張
家隆攝理歿卽領運無待交割但據通廳開報
應斗共欠津通糧八千二百九十餘石掛欠糧
多未必非以身亡貽禍則按臣所言固長慮也
至于羅學伊先委造船後委押運其遲悞之爲
法固難追旣經劣轉不必再議臣等備簡二臣
原疏及其情節原是如此謹據實以

聞若互調偏徇義之所不敢出也伏候

聖裁施行

崇禎四年十二月二十八日具

題崇禎五年正月二十日奉

聖旨運并玩違勅內自有叅奏一款吳禮擅行懲責
且改捏勅語支詞抵飾好生可惡姑着降三級調
外任用該部奉旨議覆可得如此徇庇該司官姑
不究其張應斗所欠之項曾否追完還着奏明該
衙門知道欽此

題漕糧積欠追比續完數目疏

題爲漕糧積欠數多漕事成規大壞懇乞

聖明嚴追比之限重考成之法懲前毖後以整飭新
運事雲南清吏司案呈卷查崇禎二年八月內
該本部題前事內請督飭省直立限追比漕糧
積欠緣緣本月二十三日奉

聖旨漕糧京通邊津節年掛欠八十餘萬國儲民膏
豈容奸弁吞噬爾部便咨會刑部總漕勒限省直
撫按轉行道府緝拿逃欠官旗分別追比過限不

完的解送來京按侵盜律擬罪道府遵奉延緩撫
按指名叅奏撫按回奏稽遲部科照考成例查叅
各不得違玩其所價酌准舊例及運官扣俸查解
依議飭行今後掛欠監比運官法司不行奏請私
自召保該司官究處不宥該衙門知道欽此欽遵
通行各該撫按衙門轉行道府設法追比去後
查原疏內已經勒定限期凡欠三千石以上者
每年先完一半限二年通完一千石上下者限
一半通完及查省直原欠漕糧自萬曆四十七

年起至天啓七年止通共八十萬九千四百六十六石二斗四升七合零至崇禎四年二月終旬時及一年有半僅完過一千九百六十餘石該本部遵例題催內稱姑念經追各官於前項欠數追貯見解未據開報倘卽槩行恭處恐無以服任事之心通限本年六月以內令各該撫按將前項完欠數目據實回

奏該本部於崇禎四年三月二十四日具題前因二十九日奉

聖旨這積欠漕糧有旨嚴限考成今已踰歲應天
東等衛僅報完一千九百餘石其餘省直如何全
無的報卽藉口年久各該官旗應有銀糧產業可
以扣追何得徇玩如故着將所欠糧數通行該撫
按嚴比還將完過若干起解若干併未完的作何
區處俱限本年六月據實回奏如再違限該部科
卽行叅處以信功令欽此復又咨催去後今于崇
禎四年九月十五日奉本部送戶科抄出湖廣
巡撫魏光緒題前事內據各道府呈報追抵過

天啟元等年各弁羅密等糧銀數目理合造冊
奏繳緣繇九月十一日奉

聖旨該部知道欽此又于本年十一月二十一日奉
本部送戶科抄出應天巡按御史饒京題前事
內據各道府冊報追抵過天啓二等年運官林
勝祖等糧銀數目緣繇十一月十八日奉

聖旨戶部查明具奏欽此抄出到部通送到司又本
年十一月十六日奉本部送准都察院咨前事
內開據江西巡按御史葉成章呈報追抵過天

啓四等年運官鄧林茂等糧銀數目合咨查照
緣繇奉批雲南司查議明確聽候類題就中已
解淮庫者多未解部淮上徑自那用開銷此不
可不問也奉此隨卽呈堂咨催總漕部院併江
西撫按作速起解俱各遵奉在案爲照各弁所
欠漕糧自萬曆四十七年起至天啓七年止共
計八十萬九千四百六十六石有奇不爲不多
矣該本部題催至再屢奉

明旨以追比貴道府以叅奏貴撫按立通完之限援

考成之例

功令不爲不嚴矣乃備查追補之數止應天龍江
左衛指揮陳弘道下抵完米九百石三斗六升
留守衛指揮李天培下抵完米五百五十石四
斗山東德州衛鎮撫周承胤下抵完米四百八
十石百戶郭榮勲下抵完米二十五石千戶吳
守良下抵完米十石本部先經具題外此外如
湖廣糧儲道右叅政袁一鳳冊報天啓二年分
武昌左衛千戶張振邦下補完米一百四十八

石九斗九升又追抵銀一百六兩一錢八分九釐四毫二絲天啓四年分武昌衛指揮羅密下追抵銀一百七十五兩九錢二分武昌左衛指揮郭屏南下追抵銀九十九兩一錢一分襄陽衛指揮崔建勲下追抵銀四十一兩六錢五分四釐沔陽衛指揮邵希堯下追抵銀四百四十五兩二錢三分千戶張朝聘下追抵銀二百五十兩天啓五年分武昌衛指揮周鎬下追抵銀九百四十七兩七分武昌左衛指揮陳以傑下

追抵銀一百四十六兩七錢天啓六年分武昌
衛指揮張遵祖下追抵銀九百六十三兩二錢
武昌左衛指揮張洪濟下追抵銀二百九十兩
沔陽衛指揮王鶴齡下追抵銀一千兩天啓七
年分武昌衛指揮謝繼安下補完米三百五十
六石九斗九升千戶密印捷下補完米一百二
十九石五斗四升四合岳州衛指揮馬楊下補
完米二千九十三石三斗五升一合以上共米
二千七百二十八石八斗七升零銀四千四百

六十五兩零又直隸巡按御史饒京疏開天啓
二年分太倉衛指揮林勝祖下補完米五百六
十五石五斗零天啓四年分蘇州衛指揮李應
實下追抵銀四百七十兩七錢三分指揮宋維
城下追抵銀五百九十六兩天啓五年分太倉
衛百戶王興下補完米二百四十八石七斗一
升零天啓六年分龍江右衛指揮陳弘道下扣
完米一百八十八石九斗三升太倉衛指揮張
元佐下補完米二千一百七石三斗又追抵銀

二百三十五兩二錢九分六釐蘇州衛指揮楊
基下追抵銀五百八十二兩三錢六分指揮袁
時隆下補完米一千六百七十九石一斗一升
鎮海衛指揮陳善道下補完米一千八百餘石
天啓七年分鎮海衛指揮李範賢下追抵米九
百二十五石九斗以上共米七千五百一十五
石四斗五升銀一千八百八十四兩三錢八分
零又江西巡按御史葉成章開報天啓二年及
天啓五年分九江衛指揮徐元奎下追抵銀三

百七十四兩三錢八分天啓四年分建昌所千
戶鄧林茂下補完米一千五十二石四升七合
天啓五年分吉安所指揮蕭光卿下追抵銀四
百八十二兩八錢一分饒州所千戶丁奇勲下
補完米三百七石九斗零又追抵銀四百六十
兩三錢一釐天啓六年分建昌所千戶劉世臣
下補完米九百九十七石五斗八升三合四勺
饒州所指揮許治下補完米七百六十一石九
江衛指揮陳光祖下補完米四十六石三斗五

升八合二勺永新所千戶宋德隆下補完米一
百石五斗天啓七年分九江衛鎮撫孫聖祚下
追抵銀八十四兩鉛山所千戶李新下追抵銀
一百二兩以上共米三千二百六十五石三斗
八升零銀一千五百三兩四錢九分零又如浙
江巡撫陸完學冊報運弁逋逃非法一疏內開
天啓六年分杭州右衛指揮李根仙下追抵銀
一千一百一十八兩四錢處州衛指揮曹濬下
追抵銀二千四百二十五兩五錢五分溫州衛

捐揮甄翼龍下追抵銀四百二十五兩四分五
啓七年分台州衛百戶郝應藩下扣抵米四百
一十四石百戶賈天祚扣抵米二百六十四石
以上共米六百七十八石銀三千九百六十八
兩九錢九分其餘屢經移催未報然此不過據
其冊報則有此數而于內未解者猶屬虛懸即
已解者亦未到部况未經開報者其數尚不貸
乎猶未也夙逋尚未完報而新欠復又相仍如
崇禎元年分南直隸共欠一十四萬二千八百

一十八石七斗九升零湖廣共欠四萬四千四百一十七石一斗九升五合零浙江共欠七萬六千七百七十四石八斗七升零江西共欠二萬一千七百二十石四斗三升零山東共欠六千六百三十七石八斗三升九合零崇禎二年分南直隸共欠二十七萬九千四百七十九石七斗二升三合零湖廣共欠四萬八千七百一十二石二斗八升七合零浙江共欠六萬七千五百二石二斗五合零江西共欠三萬一千二百

百五十二石八斗七升九合零山東共欠一萬
二千六百八十一石九斗七升八合零俱經本
部截叅在案今查已經冊報與見經抵銷者在
崇禎元年則有武昌寧波等衛指揮等官段尚
燭等完過銀七百四十八兩四錢七分米一千
二百一十三石八斗七升在崇禎二年則有南
昌寧波等衛指揮等官劉嘉爵等抵完過米九
千一百八十一石八斗其餘猶然未完也統計
追補未及其半而兩年通完之限業已逾期新

欠相仍之數積累更多軍糈關係如此之重而
地方奉法如此之緩所當亟請

明旨併加嚴督以清積逋以裕

國儲案呈到部該臣等看得羽林十萬之衆計日
待哺惟

國儲充盈是依惟省直漕糧是賴也向以積欠數
多臣部屢請催督致厯

聖明切責經管諸臣自宜依限通完如期回

奏乃今閱二年所矣時逾通完之限而湖廣應大

江西浙江猶俱完未及額山東浙江鳳陽尚未
奏報雖徵解日繁用一未免緩二而官旗有限急
新又復延舊

功令炳於日星臣部憂切攢眉雖難完而不完不
得不爲諸臣原情然過限而不報又何敢爲諸
臣泄視也伏乞

皇上再加嚴飭在已經

奏報者速將追完銀米盡數起解聽臣部查銷其
米卽抵帶買遼糧以便轉輸若未完銀米同奉

經

奏報者定限次年四月內照數通完作速解部方
准銷筭倘再踰限不完各該撫按仍將經管道
府具奏處分而撫按回

奏踰期臣部亦執考成之法以議其後固有所不
暇計矣至崇禎元二兩年比追掛欠奉有

明旨按期

奏報

天語煌煌亦豈容少有隳越也者良以新欠夙速總

國儲不特彼此岐觀尤望

皇上一併重加催督者也既經該司案呈前來相應

題

請恭候

勅下臣部移文各該衙門一體欽遵施行

崇禎四年十二月二十九日具

題崇禎五年正月初四日奉

聖旨漕糧積欠勒限通完乃報追僅十之一尚未解

部且有未經奏報者該管官玩肆殊甚爾部卽當
查明叅處何得但請嚴飭還着行各該撫按通查
經管道府職名及完欠確數若干詳開奏奪仍一
面將已追的速催起解未完未報併新欠的都着
依限嚴督追補如撫按徇庇延飾該部科一體叅
來重治欽此

覆南京兵部直陳運規定制疏

題爲直陳運規定制懇乞

聖明裁酌以重漕政事雲南清吏司案呈崇禎四年
十月初四日奉本部送戶科抄出南京兵部尚
書傳振商等題前事內稱各衛赴運官旗舊制
僉自南京兵部今淮撫以僉甲改委京府推官
前此毫不與知特因指揮成九韶以駁回放甲
數多赴告臣部始聞或從

祖制或從淮撫新議伏乞

勅下該部酌議緣繇十月初二日奉

聖旨漕運官甲旣僉自南京兵部如何李待問具題
改僉時傳振商等不卽奏明據稱以前毫不與知
直待各官告訴始聞向來所職何事着該部卽將
舊制新題先今事宜通行覈議具奏欽此欽遵抄
出到部送司隨即呈堂咨行南京兵部并總漕
部院查明具奏去後十一月十九日又奉本部
送戶科抄出南京兵部尚書傳振商等題爲據
寔再陳僉甲原委仰祈

聖鑒事內開崇禎二年十一月內總漕部臣李待問
改題僉甲時臣以本部右侍郎入

賀齋捧在途至崇禎三年四月叨竿今職八月始任
委不及知其崇禎三年選甲亦係臣部操運分
司僉定舊官不過借運赴次今徑自同衛官先
期僉甲臣卽據實

奏明非敢緩爲陳也等緣緣十一月十六日奉

聖旨兌運亟需旗甲該部不卽早僉潛臣豈能緩待
覽奏知道了以後着遵循職掌預行料理勿待事

後陳說該衙門知道欽此隨即呈堂通行聞又奉
本部送准南京兵部咨前事內開南京僉官僉
甲

舊制隸自兵部近則責之應天推官顧運軍冊籍藏
之本部方司應僉與否按籍可稽推官事屬隔
別勢必委之衛弁衛弁以僉甲爲奇貨是以賣
富弄貧剝削殆盡近見哀號纍纍流弊有不可
言者查外府推官只押軍赴次亦未經僉官旗
看來

舊制以行無弊新題易致紛擾酌新準舊戶部自有
定裁等因本年十一月二十一日又奉本部送
准總漕部院咨前事內開京衛僉甲一事本部
院向于崇禎二年十一月內具有漕事所急在
船一疏其畧云欠一船便少一船之載不僉旗
者道臣之責有旗而不造船者廠司之責所伍
官之賣富報貧道臣得而懲治之至南京三十
四衛屬南兵部所轄卽違官職各俱係兵部開
定而臣照單填之向者催官催船與僉補旗甲

臣一切文移杳無實落奉勅改行之京府推官
而前任陳廷詔實心實做截留各船多此督發
之力查原題督兌責成推官而此京衛無該道
可委似不得不併其責于推官僉造催餉與夫
提比掛欠一以屬之而臣之激勸行焉等因題
奉

聖旨這補造運船僉旗責該道修造責分司南京各
衛責京府推官都着申飭行等因欽遵在卷今
南部以職掌爲言在戶部自有主裁惟是運事

嚴迫缺船僉旗領造臨運僉旗領兌皆時刻不
容延悞者本部院處此艱危日爲凜凜也查操
運分司有部司之體不便催督故前疏有臣一
切文移查無實落之語卽如崇禎二年各衛開
行赴次之文已至而江省協運不到之文迭來
蓋衛官虛報開行縣身在衛往往而是本部院
不得已委揚州府同知趙虞佐馳赴南京催發
此項苦楚豈易告語至于僉旗事實煩瑣有賣
富差貧者有捏貧作富者有占差縣役者有執

差爭役者有所食非所解者有隨解而隨逃者
有起解到厥無衣無食勢難領船不得不換者
有運官已臨次而復詳無旗者有運官已過淮
而又真旗逃者有追補官欠而呈旗盜糧私逃
者何啻千頭萬緒本部院能一一咨之南兵部
乎一一移之操運廳乎且一呼再呼而不應本
部院能于咨文內加一責備語乎能于咨文外
行一責備事乎不能則本部院將真漕事于何
地分漕責于何人蓋自題明責成推官之後兩

年以來呼吸周應京衛運事之蚤與僉旗造船之多每從推官拮据中來而推官無日不稱苦也頃于報中閱巡漕王御史具題專推官職任將京衛各弁賢否一以屬之重其事權而後可集事誠有見于此竊念京衛官旗積玩已久向來旗船之缺多緣僉造之稽而到次之遲亦屬督發之悞今日業已有言不敢不直陳其說所藉戶部從長計議必如何而僉造無悞如何而到次如期本部院從何處責催部司應如發其

廠中僉補之旗有缺而未解解而逃回及有不
堪領造者其幫中領運之旗有臨運缺少到幫
私逃及盜糧逃躲者將屬何官責成倘得部司
專任其事自是漕事之幸本部院不敢屑越如
有遲悞本部院不敢分過庶責任無所游移而
旣挽之漕期不致復悞等因奉批雲南司通行
查議題覆奉此查得南京各衛僉官僉甲其
舊制新題先今事宜已經南京兵部併總漕部院查
咨前來相應併覆案呈到部該臣等看得

廷設一官卽有一官之職掌職掌所關無容疎略
亦無容侵越者也但時久人玩法湮弊生誠有
不得不亟爲更張者如

留都各衛例有領運官軍

舊制僉派必隸南京兵部蓋以賢否難別選司早有
定評貧富易淆職方業有版籍執定評而僉官
按版籍而僉甲遵行有日

祖制爲然第年來漕事遲滯殊甚漕臣李待問責有
專屬旣慮京衛官旗僉報未妥領兌每多獨後

復恐操運部司體統攸關催督又復難行故以
僉甲一項改委推官是亦急漕爲念有不得不
然者但於樞部職掌未免稍有變更以致抗疏
爭執未免各有異議項奉

明綸以後著遵循職掌預行料理大哉

王言不令臣下有侵官之嫌更不容職事有遲悞之
咎在留樞漕撫自當祇奉以遵行矣合無以後
每歲八月操運分司先期僉甲矢公矢慎不許
賔富差貪玩日揭月完日造冊呈堂移咨總漕

限九月內到淮其僉派稽遲及遴選不當者許
漕撫題叅處治既僉定後總漕查照官旗職名
移文推官上緊督催赴運次仍照新題責成
推官經理不得借口推諉自今以往倘僉派誤
期部司任之督發踰限推官任之則

舊制新題分任其事僉運押催交責其成而更新之
漕政庶可收効于勿替矣既經南京兵部并總
漕部院咨會前來相應覆

請恭候

勅下臣部移文各該衙門一體欽遵施行

崇禎五年正月初六日具

題本月初九日奉

聖旨領運官旗關係漕務最重這僉派事宜依議着
南京兵部於每年八月預行遴選開送漕撫仍責
推官督催押赴運次如僉派遲悞選擇不當及督
發踰期者該部司推官俱着漕臣據實指參不許
玩徇該衙門知道欽此

再題酌議漕糧銷筭抵欠規則疏

題爲酌議漕糧銷筭抵欠規則以便遵守事雲南
清吏司案呈崇禎四年閏十一月二十八日奉
本部送戶科抄出該本部題前事酌覆督部核
叅疏內條議諸款仍以各弁應抵應借及應給
之數責令京通二廳磨勘明確通詳兩部槩爲
批示方准銷筭併將銷筭規則列款上

請緣繇閏十一月二十六日奉

聖旨銷筭旣屬督部職掌這規則還與面商詳確其

京通兩廳通詳批示依議行欽此欽遵抄出到部
送司隨卽呈堂咨行督部商確去後今于十二
月十五日奉本部送准督部咨前事內開銷筭
項欸原有可循之單例及見行之規則今本部
酌量于盈虛之間臚列上

請申舊例以定新規且將元二年分銀兩刪抹以杜
侵冒而應給未支之銀爲先給印照以便稽查
自屬可行卽欲妄叅末議無繇已相應咨覆查
照等因奉批雲南司查明題覆奉此查得本部

所議抵銷各款既經督部咨稱可行無庸再議
但前議有未及者如各官房永貼邊二項相應
補議一併題覆案呈到部該臣等會同總督倉
馮尚書錢春看得漕運銷筭一法成例具存遵
循已久乃其間頭緒紛紜日久弊生項款難晰
故臣不得不備加酌量並將舊例新規互參臚
列上請

明旨還與督部面商詳確仰見

皇上留心

國計爲漕政立經久規則業經面商無異容覆可
行要非漫無可否總期有裨漕事而已但所列
諸款除前疏備載外其例准扣抵項下尚有應
補議者則乞貼邊銀是也又卹省不全給項下
亦應有增入者則房水銀是也倘不及今酌定
終非全局謹將先今所議款目仍復開列于後
伏乞

聖裁永著爲令俾臣等有所憑藉轉行京通二廳曉
諭各該漕運官旗共爲遵守則所裨于漕事者

多矣既經督臣咨覆并該司補議前來相應覆
請恭候

令下臣部移文各該衙門一體欽遵施行

計開

完糧應准抵銷者八項

一羨餘銀係優恤旗軍回空之費山東遼
洋二總每船例給一兩

中都淮大上江下江揚州鄧衣旗手七總每船例
給二兩湖廣江西浙東浙西四總每船

例給四兩糧完詳准查給有掛

數

者照例減除其應領者例得扣

一幫把銀係倉中鋪墊之需每船

年例

給銀二錢糧完運官親領遇有掛欠減

除明白例得扣抵

一掀掃色斗銀係交糧揚晒之需每船

給銀三錢輪年本折本色年分運官親

領遇有掛欠減除明白例得扣抵

一紙劄銀係運官交糧投文造冊之費每

幫給銀二兩糧完運官親領遇有掛欠
例得扣抵

一簞夫銀係沿途黍簞雇夫之費

中都淮大上江下江揚州錦衣旗手湖廣江西
東浙西十一總每石有隨糧銀一分
年聽漕院題

准照例給發遇有掛欠減除明白准其扣抵遼糧例
折大斛隨正糧給發有上中下三等一
分八釐六釐之別此舊例也今宜折中

議定不分上中下等第每石俱以八錢
以杜游移高下之弊亦准扣抵欠
一小封銀係運官墊給河剥船戶之費每
河西務告請剥船一隻運官先自墊給
船戶銀八錢以爲盤剥落崖之費通廳
查照務關印信簡明手本如數呈部給
還運官糧完運官親領遇有掛欠例應
扣抵但務關向無文冊報部亦是缺陷
仍令糧完造報以便抽對稽查

一交瓶銀係帶運光祿寺酒瓶腳價每船
順帶酒瓶三十八個每個該腳價銀一
釐五毫又有運磚腳價自臨清帶至通
州多少不等每城磚一個該腳價銀一
分仞磚一個該腳價銀五釐今查三年
並無帶磚如四年有運磚者應照舊例
給發以上二項糧完准給但交瓶在光
祿交磚在工部恐有短少混冒之弊今
後納完瓶磚部寺具冊移會以便銷算

通廳則以實收爲據庶無混淆遇有掛欠准其扣抵

一乞貼邊銀查得江西湖廣浙東浙西上江五總以兌運水次遙遠邊運遲滯稱苦應運邊糧六萬七百餘石于萬曆三十一年間題改派撥江北淮大下江揚州

中都四總代運每石江南官貼一分五釐旗貼五釐又隨糧脚米三升折價一分五釐共

給津貼銀三分五釐每歲總漕派定代
運衛官糧數咨送本部照數劄發通廳
查代運邊糧若干每石以三分五釐筭
共該給銀若干隨查五總所運糧米共
應洒派若干按糧照數于羨餘銀內扣
除每石三分五釐以抵江北四總代運
之用別總衛分則無貼邊矣間有災折
改折邊糧坐撥不足原額督部卽于應
納京通倉漕糧內補坐赴邊交納因水

次未領加給耗米三升故每石議給米
三升折銀一分五釐連前三分五釐故
又有五分之例此係萬曆四十四年前
部酌定准給以示優恤者此項銀兩原
係代運衛官應得之物全在通廳銷筭
清楚遇有掛欠准其扣抵

應扣省不全給者二項

一遼糧脚價原係運官墊給倉中交糧之
費每大斛米一石給歇家包圓銀八釐

五毫小腳抗糧倒回銀四釐雇人抱簍
抬斛打捲銀七毫後運弁又取償于官
此例不知起于何時不載議單亦未具
題似屬相沿陋規但京通二倉原未領
此腳價先墊後給亦小封遺意也然查
京通邊各倉完糧銀兩皆加一扣除此
項腳價豈容取盈每石准給一分足矣
以後倉歇亦不得多索遇有掛欠例得
扣抵

一房水銀議單開載指揮給銀三兩千百
戶鎮撫給銀二兩原係優恤運官以供
房水之費近俱歇家支領蓋歇家乃運
弁之居停主也各官掛欠召保或逃逸
勾攝勢必及之此項銀兩似不可已但
時當匱竭別項俱議減給前數亦難取
盈除運官中途脫逃不准給與外其見
在者俱照各倉完糧例加一扣除仍令
歇家赴領此項原與各官無預不准扣

抵

裁革不應抵銷者一項

一盤纏銀兩查議單舊例給把總銀二十兩指揮十兩千戶衛鎮撫六兩百戶所鎮撫四兩完糧三月之內過淮依期與不過淮者全給完糧三月之外過淮依期與不過淮者給一半完糧三月之外過淮後期者給三分之一完糧依期過淮後期給一半完糧過淮依期官被論

者及過淮依期完糧在五月外者俱
行停給其應給者遇有掛欠准其扣抵
蓋嘉子依期完糧之意也今查衛所各
弁領運完糧乃其職掌彼有此無易起
混淆今議前項盤費以後槩行免給永
著爲令

截叅後錢糧不應借銷者一項

一借抵錢糧宜防重冒查運官完糧銀兩
例應准給若崇禎元二年者截叅已久

豈有未經銷筭之銀如各弁以元二年
舊銀求抵三四年新欠者卽係混冒不
准作數若以三四兩年銀兩扣抵從前
掛欠者乃係新糧已完而補舊欠應聽
其便以後但經截參年分悉禁借銷俱
照此例又有一宗完糧之銀隔總隔年
彼此分借轉換新析最易重冒今後完
糧運官經通廳銷筭明白者查其在庫
應給銀兩若干請詳臣部督部批准在

案通廳先給執照本官不及候領卽以執照付給買借之官如呈請借銷日卽以執照爲憑間有借銷而銀仍有餘又許賣與別衛再具手本某官借到某衛某官銀若干除抵過外尚剩銀若干再批給執照其原批執照塗抹附卷嗣有借者又以後給執照爲準庶重冒之弊可杜而完糧者亦免守候之苦矣

省直應起解抵銷者一項

一防欠月糧宜責成糧道解通查軍旗行
月糧銀外又有防欠三個月月糧舊例
省直糧道委官解通其旗甲之完糧者
給之欠者扣之立法固甚善也近多解
交通州該州遇有緊急輒爲那借而十
三總屬藉口不解矣兩浙間有解者運
官與解官又通同隱匿至于運官把總
以公費爲題目瓜分肥橐旗甲之驚駭
者猶得十之一二新僉弱旗絕不敢問

一遇掛欠。糶貧旗苦無可抵。則有相
率以逃耳。今後宜責成省直糧道。凡新
運開行。卽委的當官員解寄通濟庫內。
取回文赴道繳查。至漕米抵通旗甲無
欠。卽唱名給散。有欠。卽銷筭扣抵。具詳
申報。其扣存銀兩年終彙解太倉。此不
勞追比而逸于得銀。其于倉庫之誦未
必無小補矣。

崇禎五年正月初六日具

題本月初九日奉

聖旨這漕糧銷筭抵欠規則既與督部詳酌依議行
欽此

覆總漕鹽城水災漕糧半折疏

題爲災地輸漕實苦鹽城措辦彌艱謹陳萬不得已之情仰徵

恩恤事雲南清吏司案呈崇禎四年十二月二十四日奉本部送戶科抄出總漕部院李待問題前事內稱鹽城一縣計漕米進耗潤三萬三千有奇而該縣當大海尾閘受新溝蘇家背崩決之患獨慘闔縣地土蕩爲湖澤城門之外一片汪洋至今仍無乾地故自濶河逶迤及于府城之

東門茅樓露處皆塩城不能自存之民也向知
縣馬文耀索臣借漕庫銀買米臣面距之以爲
當及時擇大戶勸諭力輸乃逾旬餘又來報臣
謂盡法招集而死者死逃者逃向所稱大村名
里曾不得數人焉無奈遣役尋之水上尋之別
縣又不啻建鼓求亡而饑寒迫體之民日以搶
掠告噫似此光景真堪痛哭夫徵收漕米是有
司一大職業今閏月將盡矣以望

恩爲事米尚無措安所逃罪惟是無民無土實事實

情而有司一心賑粥一心防盜一心驅流離之
輦鞭之笞之責其出粟未免伎倆立困頃縣庠
驚聞徵漕百千饑殍咸來向臣衙門叫號若謂
臣不爲該縣卑疏開陳致然臣掩淚謝之大抵
錢糧至于數萬決非設處所能而兌運定有限
期又非歲月可待臣輾轉無計適南工部解到
當年料銀一萬八千兩只得割一萬兩借之責
令推官與知縣認限陸續徵還臣非不知出江
買木目前需用之急特所急有甚于此耳然儘

此銀尚不能買漕米一半不得不責令知縣多方勸貸以足之惟是勢難猝辦惟有哀懇

皇上寬恩將此米展限四月過淮臣又慮遲遲則固空抑遲擬將此米坐撥津糧則于將來回空固不誤也道臣周汝璣切切語臣謂該縣尚在巨浸中民無所定今督責加急有司計不及顧勢驅刑迫恐盡化而爲盜今以所借料銀令之勸貸豈能計日取盈頃聞江廣之間又有閑糴之令則買糴且無路矣是必補牘乞

恩折半廢或可支臣思塩邑顛連窮迫之狀久徹
聖心向臣爲漕米具疏奉有蠲折事宜卽與酌覆之
旨又奉有重災數州縣該部卽與酌覆之

旨

皇上勤恤窮民噢咻倍至必不靳此半折以甦塩邑
之生命且亦非他邑所能比例者也無已比照
大惠免尖耗之例免其尖耗米蓋鹽城之患極
矣纔從汨沒中出來俾稍幸蘇息而亦無妨于
正米之數此又所謂寬一分民受一分者江北

四十一州縣之災臣俱一一料理責辦責完卽興化苦楚難任屢屢籲臣繪圖入

告望臣不已今茲之請若非鹽城之勢誠迫力誠竭情誠可哀臣安敢代爲狂呼以賈罪戾也知縣馬文耀向能於其官而大水以來捍禦拯救不致爲泗州之續然漕米一事責無所辭臣重漕法豈敢以災故寬之所當先行戴罪勒令措處買兌者也臣再惟鹽城水患最酷皆緣新溝蘇家嘴之決所致今司臣徐標等荒度估計業已

有緒必當趁此新正速行着工庶小民來歲勤
動即可謀生而微臣隨地安戢或得措手凡以
爲地方失慮也等因十二月二十二日奉

聖旨鹽碱旣係重災漕糧准與酌議河工着地方官
上緊料理該部知道欽此欽遵抄出到部送司除
河工應聽工部行催料理外所有漕糧一事相
應酌議具覆案呈到部該臣等看得京邊官軍
悉仰給於省直之轉輸况漕政方新京庾告匱
豈容輕議蠲折惟是災出非常民居之昏墊已

極地方之呼籲甚切如總漕李待問疏稱鹽城被災之狀其地洪波其人魚驚漂泊未定哀鴻未集嗟此子遺何堪敲朴總漕爲民生計復爲漕事計議寬過淮之期酌請本折之半又援大惠舊例而以免加尖耗請慮回空稽遲而煖坐撥津糧請誠不得已之苦心也業蒙

皇上軫念如傷奉有准與酌議之

旨臣等再四酌量鹽城被災之民旣艱本色且艱折色甚至總漕製造船料銀萬兩與之買米矣此

其窘迫爲何如者計惟有折半一法庶可寬此
一方民力諒亦

聖仁之所不靳也查該縣額該漕米三萬三千有奇
合無准折一半解銀上倉其餘仍令照兌米耗
各仍其舊及查過淮限期先該臣部題

淮南直糧船限三月初旬過淮四月初旬過洪今總
漕借銀買米此時政在措辦安得如期過發稍
寬期限需至四月勢又不得不然者至于坐撥
津糧先該總漕題

准有輪幫分撥之議原屬總漕爲政其間先後次序
仍聽其通融酌處要不失輪流均派之意可耳
至於所折銀數當斟酌於多寡適中之間每石
定價以七錢爲率而隨糧輕賁准照改折舊例
卽在其中不必另派總之

國計民生互爲調劑適得其平而已乃若知縣馬
文耀總清查照漕規請令戴罪供職要不過風
勵在漕有司無令藉災規避應俟運事旣竣之
後漕折通完之日聽總漕督臣酌議疏請

裁奪既經總漕督臣具題前來相應覆

請恭候

勅下臣部移文各該衙門一體欽遵施行

崇禎五年正月初九日具

題本月十二日奉

聖旨依議欽此

再覆輕賁羨餘分給淮庫修船疏

題爲漕厰空置已極料銀遺負日多懇乞

聖明嚴飭速解以濟船工事雲南清吏司案呈崇禎
四年十二月二十日奉本部送戶科抄出該本
部題前事內覆總漕部院請輕賁羨餘銀仍歸
修船應用但輕賁一項缺額不敷支用數多安
得羨餘以資淮上修船之費且萬曆三十八年
以後曾未扣發既可撐持值今

國用詘乏執徃例而求臣部何能爲無米之炊是

在當事諸臣搜括調劑務使船工無誤

國儲不匱緣繇十二月十八日奉

聖旨輕賚羨餘分給淮庫修船既稱議單所載何故
二十年來曾未扣發又該部去年題留七千餘金
專供各衛修船之用是否卽係此項還着明白奏
來欽此欽遵抄出到部送司查得輕賚羨餘扣發
淮上以充修船之費議單原載有此項此所以
備列前疏也但萬曆三十八年以後輕賚拖欠
甚多安得羨餘淮上以米呈計本部亦未扣發

然此外原有旱腳銀二千八百八十六兩六錢八分九釐與京衛造船所支船料銀四千六百六兩七錢均係額需此卽本部去歲題留七千四百餘兩之數也其與羨餘原非一項今奉

明旨覆查明白相應具覆案呈到部該臣等看得錢糧項款各別需用緩急攸分如江北各衛修船漕船實爲急需然而旱腳一項固正額也例於杭嘉湖三府輕賁銀內扣抵克用乃復益以羨餘者考之議單雖有此數而議單所載亦僅曰

剩多解多剩少解少是則向無定額而有剩始
有解也抑可類推矣乃自萬曆三十八年以後
輕賁一項拖欠旣多需用復繁如

府第繕興則借宗祿缺額則借銅本無措則借繼
以題克舊餉抵放米折是又作正支銷皆徃昔
所不載錢糧惟有此數顧此未免遺彼此二十
年來未經扣發之繇也亦謂淮上無藉扣發而
有可以支持完公者在耳不然一年自有一年
之需何歷二十年餘竟未一呈討也至于臣部

先經題留七千餘金內四千六百六兩七錢係
南京各衛造船之需各曰船料其二千八百八
十六兩六錢八分九釐係江北各衛修船之費
名曰旱腳歷來之額用已久節次之供應無置
原與輕賚羨餘需用雖同而名目實異夫船工
難緩在司漕者固執舊額以上

請而

國用匱乏臣部又難輕爲撥發勢不得不以調劑
一法望之當事要使船工軍糈有相成而無損

矣則所全者大矣既經該司確查前來
請恭候

勅下臣部移文各該衙門一體遵施行

崇禎五年正月初九日具

題本月十三日奉

聖旨錢糧各有額項應廣銀兩如何向來任其拖欠
那借還着畫一考成違者參處餘所屬知道欽
此

覆總督倉場題運并給銀一槩稽留疏

題爲逋糧正在截參科疏先已奉

旨事當畫一法難異同謹舉通邊欠數補其未備以
請

聖裁并乞

勅部酌定銷筭之例以明政體以平人情事雲南清
吏司案呈崇禎四年閏十一月二十七日奉本
部送戶科抄出總督倉場尚書錢春題前事內
稱本月初九日該戶科都給事中玄默有好

掛欠等事一疏奉

聖旨漕糧軍國大計豈容奸弁侵欠至二十四萬餘石張明錦等俱着革了職法司嚴提究問設法追比務勒限報完擬罪具奏該衙門知道欽此竊查科疏據京糧廳員外郎秦炯等揭報止於京糧一項此外尚有通糧及薊密永昌舊額新添各邊糧又有津運遼糧鮮糧行轅坐糧廳郎中劉夢桂等冊報于臣者其所欠復不下一十六萬餘石內固有一弁而各處俱欠者如科參張明

錦等右而人或容臣以各欠數移送法司增入
各名下比追而已乃如止欠通倉等糧千石以
上如張顥文等二十七員千石以下如張守榮
等四十一員此則科叅之所未及也臣衙門例
有截叅而祇憑單欵擬議未免以寬滋玩欽遵
明旨則張顥文等事與張明錦等同而准恐不當與
張明錦等異臣謹摘舉奏

聞伏惟

皇上裁斷再照

祖宗之制特重積貯凡所以優恤官旗以獎勵之
納者甚備故房水紙劄簞纜羨餘以及掀斗葦
把交磚交瓶等銀例皆以輕賫給發而行月糧
解通防欠亦不過責之買補未嘗許其彼此抵
笑也近來乃有抵銷借銷而銀可以代米米遂
可以不來矣況以邊餉借動輕賫輕賫不歸正
用而房水紙劄簞羨等應給之銀諸官旗守候
多不能得故黥者預爲扣除之計折乾糶賣故
虧原額米不肯入倉最黥者又于諸應給者爲

乘急勒取賤售之計思竊人之贏以益已之縮而米不有入倉究也完者得損欠者得益而今年雖完明年亦必作欠而米益不肯入倉且不但米不入倉而已其各抵借銀兩亦只是一盤空帳臣謂其虧

國帑而損軍儲特于七月二十九日截參三年運二年漕糧疏內具列其事八月初九日奉

旨下部酌議因以欵項未定議論未同本部未及奏覆銷筭一槩未行臣查京廳報科揭帖亦云除

抵銷者候銷外蓋以此也今張明錦等侵欠幾及千萬者自當卸枚就吏而內中欠只什伯多有執單例以希應得抵除者嗷嗷有詞將何以捫其舌而服其心乎臣故謂京邊總屬漕糧內外必無岐視張明錦等既令卽訊則張顯文等當候

聖裁至于應給不發單例具存諸凡欠數可以相當及無欠仰希優異者本部亦必速爲條覆請旨頒行或權濟一時或法期可久務

朝廷可以昭大信而積貯不至滋大弊不但臣等可
以守而勿失卽法司亦可照欠升實在數目議
罪而不頗於讞等因閏十一月二十五日奉

聖旨張顥文等俱着革了職法司提問欠糧自當嚴
追其單開應給銀兩亦須查發何故一槩稽留是
否輕齎一項盡借充兵餉各升中有欠數不多可
以抵銷的免究另議這疏與前疏戶部一併速覆
該衙門知道欽此欽遵抄出到部送司卷查本年
八月內該督部題爲稽查運官完欠以昭勸懲

事內截叅三年領運二年漕糧完欠并陳銷筭
規則緣繇奉

旨下部除糧數完欠勒令京通二廳查筭明白通詳
本部督部另行具覆其銷筭規則已該本部于
閏十一月二十三日題爲酌議漕糧銷筭抵欠
規則以便遵守事二十六日奉

聖旨銷筭旣屬督部職掌這規則還與面商詳確其
京通兩廳通詳批示依議行欽此遵卽呈堂咨行
商確至于各弁欠數不多可以抵銷者仍聽督

部截叅另本覆

請外所有單開應給銀兩何款一槩稽留相應先行
題覆案呈到部該臣等看得運官完糧之後例
有應給簞羹等銀所以優恤勞動獎勵終事者
也使各弁累能完及額數其急公勩劬臣等方
嘉與之不遑尚肯故爲稽留乎惟是完欠不齊
倘非銷筭明確一槩照例給與則米未補入倉
而銀已先出庫大類逝波于漕欠何益也至以
銀抵米借人代已如所謂抵銷借銷云者誠萬

不得已之計載在議單自嘉靖四十四年已然
所從來久矣獨恨人情日益狡獪積欠日益增
多其中思竊人之贏以蓋已之縮乘人之急售
而以賤價相償乃狡弁故智實漕政大蠹督臣
欲挽其流而塞其實自是深長之慮其機惟在
於急銷筭而慎借抵非緣輕賫之不足于用也
夫輕賫一項原爲完糧腳價之需近日又有修
理開壩等役其支剩者扣貯太倉臣部因年來
邊餉不繼原題以十萬克舊餉奉有

與青而去歲所發與舊餉者纔五萬耳乃若新餉借
用銀兩雖多見在陸續措補已還三分之一太
都漕事既竣以後乃敢爲邊方接濟計而非輒
以各官應給之銀遂那爲各鎮軍餉之用也督
臣重在積貯惟恐奸弁預思抵兌米多虧額銀
仍虛數然謂一盤虛帳亦未盡然遠年姑無論
卽自輕賁歸太倉後查米折一項已抵存銀一
萬八千餘兩奏放米折此皆以銀抵米之實數
也特各弁應得之銀必糧完而後可給其截參

細數責在京通二廳銷筭比追亦屬督臣爲政
未經截叅臣部不知孰完孰欠何敢有求輒應
官旗之有守候亦候銷筭之清楚非專候應領
之銀兩也合無自崇禎四年漕糧爲始京通二
廳速行銷筭運弁完欠通詳臣部督部督部先
將糧完無欠者覆核清楚將已完糧數職名及
應給銀數開列咨部務求的確臣部卽速給發
毋少遲疑而起欠掛欠諸弁不得朦朧冒領以
克私橐而虧公帑京通二廳有誤開誤給者叅

罰無貸若夫欠米之人而復借口領銀買米入
倉臣終未敢輕信夫粳米折價八錢稊米折價
七錢蒸稻米折價六錢而以米折給京軍每石
止用價銀五錢則亦非計之失也惟當年完糧
者速與則可以杜買抵之端遠年借銷者不准
則可以絕混淆之弊而奸弁之術自窮矣至於
銷筭規則業該臣部具覆見奉有還與督部面
商詳確之

旨臣又已另本覆奏矣其所叅各弁遵奉

明旨欠數不多可以抵銷者免究另議仍應聽督臣
銷笑明白具疏請

奪者也抑臣猶有說焉查天啓元二年以前通漕掛
欠不過三四萬石後乃漸增至一二十萬近且
掛欠至四十萬隄防不謹長此安窮查臣部于
崇禎四年六月內題有漕限雖復漕欠日甚等
事一疏內稱漕運限期幸復

舊制但昔所爭在遲速之間而今所爭尤在完欠之
間雖速而不完亦何貴于速也隨條議十款內

把總一欸稱舊例掛欠三千石以下者各降二級發原衛所帶俸差操近日把總雖有降罰則例繇一級以至四五級而居官自若今議萬石以內姑降級戴罪管事萬石以外卽革職作缺另補若一萬五千石以上除革職外仍行究罪糧道一欸內稱水次無折乾之弊而後臨倉無掛欠之虞比歲折乾數多固緣官旗之貪縱亦繇糧道之疎濶矧今沿河押運而來一切盜賣侵沒之弊豈得付之不聞不見以後每省掛欠

萬石以上罰俸半年二萬石以上罰俸一年
令督率掛欠官旗變產完糧等因奉有

欽依似當着實舉行然此爲把總糧道言之也推而
進之則漕道有通漕之責亦當以完欠多寡課
其殿最如欠十分之一則罰俸一年停其陞考
卽欠至二十分之一亦罰俸半年推之總漕巡
漕各有典守之責亦皆以是爲準如掛欠數多
者卽請

天語誥責勒令回

奏至于運官不肖旗甲無賴多繇於貪派之日又
不在兌運之時亦聽院道查明來歷糾劾起釁
誤事之官則法無錯貸而糧鮮漏卮矣查議單
內一段漕糧總欠數多至三萬石以上者漕運
總兵等官奏請

定奪今總兵雖裁而凡有事於漕者誰無職掌波靡
已極臣不得不倍爲責成也既經督臣具題前
來相應覆

請恭候

勅下臣部移文各該衙門一體欽遵施行

崇禎五年正月初十日具

題本月十四日奉

聖旨糧數完欠運竣卽當查算明白何故遲延以致
官旗久候其中顯有稽勒情弊今後還立定期限
違限者該廳官叅處胥役究問其欠糧各弁藉口
領銀買米及遠年借銷的弊不許輕徇以滋混冒
漕欠日甚皆繇法弛人玩責成運總糧道并漕道
俱照原議着實飭行該道除分別罰俸外仍儆其

陞考總巡撫按着于截叅時明開通漕欠數奏請
裁奪爾部亦當破情力任用裕國儲勿僅以空言
塞責欽此

覆通廳劉夢桂開壩工程免議疏

題爲一年漕白二運通完覆核已確恭報以慰

聖心并告成事事雲南清吏司案呈崇禎五年正月二十九日奉本部送戶科抄出吏部題前事內稱漕河關軍

國重務凡開壩葺濬事宜真有刻不容緩者乃馮敬舒身任河道之責輒爾泄泄從事呈詳往復遷延殆甚及至議妥興工而已後時矣則苟且塗飾誠有如

明旨所慮及者是其不能舉職旣已見于前事又安
望其勉力大挑以勝厥任乎降級別調始足示
勸若劉夢桂往來估計恭繹

明旨內馮敬舒等等字夢桂似應並在議中但據戶
部咨本官估計止是河工力稱尚有可原應否
一體議處乞

勅戶部再行確查具奏以聽

聖裁庶足以服本官之心而無憾矣等因崇禎五年

正月二十八日奉

聖旨河工甚迫馮敬舒姑着降四級戴罪料理刻期
報竣奏奪如再延誤重罪不宥劉夢桂作何處分
該部自當確議候裁何得但據戶部咨稱可原着
速行覈議仍着戶部明白奏來欽此欽遵抄出到
部送司查得工作之役水衡爲政此從來舊例
也第開壩爲糧運經繇之地故所用錢糧工部
會同科院估計共銀五萬六百餘兩原議戶九
工一戶部該銀四萬五千五百餘兩今查崇禎
三年三月二十六日發銀四千兩五月初九日

發銀四千六百四十五兩七錢一分五釐
月初六日發銀一萬兩二十三日發銀五千兩
崇禎四年二月初十日發銀五千兩十一月初
一日發銀三千兩十二月初九日發銀一千兩
十四日發銀五千兩共發過銀三萬七千六百
四十五兩七錢零是發過六分之五錢糧無誤
戶部之事畢矣若

明旨所責冒破塗飾郎中劉夢桂原未經手錢糧自
有任咎之人也至於挑濬河工雖經劄發銀四

百兩尚未領出業於正月二十四日鳩工今奉
旨明白奏來相應具覆案呈到部該臣等看得工部
原疏具列三項一修閘一大挑一河工查大挑
近奉

明旨俟新運完日議行無容贅矣修理閘工一項鳩
工辦料自工部職掌其先後估計在崇禎三年
者劉夢桂尚未奉差在崇禎四年者又經臣部
右侍郎崔爾進工部左侍郎程啓南會同科臣
許國榮道臣高倬沿閘估勘會議裁酌而夢桂

不與也惟動支錢糧屬臣部十九則請發者漢
桂事也查原估物料工價共銀五萬六百餘兩
陽工音訖ナク之一外臣部該銀四萬五千五
百餘兩陸續發過三萬七千六百四十五兩七
錢零計錢糧已發六分之五以目下工程之公
數計之辦料給工儘是充裕是夢桂未嘗以錢
糧之遲滯誤其工程也其五閘督工委官係工
部委用管繕所丞副等官五間辦料僅覓夫匠
亦係工部僉派商人卽錢糧請發例屬通融然

從前領過辦料銀兩強半在夢桂未任之先惟
崇禎四年發石料灰料銀四千兩工價銀一萬
兩係夢桂任內事且領銀俱赴馮敬舒給發工
程確有專督錢糧併無濡染如夢桂者似難并
坐於塗飾冒破之中也至於疏濬閘河一項本
係工部之責但馮敬舒謂閘工未竣大挑議興
再兼河工不無顧此失彼故夢桂代爲分任亦
於庖俎外寓急公之義其始而估計一千一百
三十兩者屬敬舒取工部作官陳炯之數造冊

移會者也其繼而減至八百一十九兩者又
都水司郎中王秉鑑裁酌者也後總督倉場
議先發銀四百兩餘俟工完算找則節省之意
居然可見矣此項工程既責夢桂代任倘新運
屆期而工程有誤或倉卒潦草而浪費罔功是
則夢桂之罪臣等何難以白簡從事不者或尙
可徼寬政耳如謂運事已迫河工方始或將夢
桂量加罰俸以鞭其趨事之氣俟工完日查勘
明白容臣具報開復此則

恩威出於

上裁又非臣等所敢必也既經該司案呈前來相應
覆

請恭候

命下臣部行令本官欽遵施行

崇禎五年二月初七日具

題本月十一日奉

聖旨修闢錢糧既係戶居其九且前奉有一切工料
河糧該司官嚴覈互稽之旨劉夢桂何得辭責還

着吏部覈議速奏欽此

覆戶科摘叅運弁侵糧數多違限不追疏

題爲特摘漕弁解官之侵漁以信查叅

功令事雲南清吏司案呈崇禎四年閏十一月初
四日奉本部送戶科抄出戶科給事中吳南灝
題前事內摘叅誤漕侵餉兩端其一爲運弁通
逃非法等事奉

旨在三午五月不爲不久矣夫以敲朴之所得輸輓
之所運盡以供衛弁乾沒乃飽則颺去索則深
匿屢經

嚴旨勒限而提者自提未見解到一人欠者自欠未
見追吐一粒逃官五十五員侵糧一十三萬二
百餘石近只有浙江回

奏湖廣山東共追銀一千餘兩其餘固否然也是
尚可不一問乎其一爲特叅誤委失餉之官等
事王元瓚一候缺衛幕耳竟拐銀一萬六千餘
兩逃走無踪彼輕委之郝効召業已革職而該
犯猶爰爰免脫當此刻肉醫瘡之日有此大膽
神手之奸恐未可以變產賠補遂置本犯於法

外也查本犯原籍在應天而其領解則在陝西
互有其責當互任其咎不得以諉卸開躲避之
門屢催屢遲則兩處撫按均之矣以上二項皆
係時久而事重者伏乞

勅部嚴加罰治仍刻期報完庶幾

功令可信也等因閏十一月初二日奉

聖旨運弁侵糧數多違限已久如何不行追徵奏報
着查明經管各官併該撫按照例罰治王元瓚已
奏擒獲何云兩限未報但其贓銀曾否通完儆所

供分贓各犯曾否追擬俱着查明具奏該部知道
欽此欽遵抄出到部送司除特叅誤委失餉之
官等事已經陝西司呈堂具覆奉

旨查追外其運弁逋逃非法一疏卷查崇禎三年五
月初四日本部奉

御前發下紅本該先任總督倉場尚書孫居相題前
事內摘叅天啓六年起至崇禎二年止掛欠脫
逃運官張弘濟等五十五員共欠糧一十三萬
二百六十八石行文各省直撫按責令兵糧各

道知府推官嚴行追比就便歸結年終各該撫
按將完過數目自疏

奏繳如年終不完不報許該部科叅處緣繇五月
初四日奉

聖旨這逋逃運弁掛欠動至千百題咨各該撫按經
年踰歲未見提到一人追完若干法紀何在還着
嚴督各道府盡法比追依限回奏該科記着該部
知道欽此欽遵到部送司隨即呈堂通行南直浙
江江西湖廣山東各撫按嚴行道府盡法比追

年終

奏繳去後復于三年八月十九日移文類催及過
限未報復于崇禎四年二月初三日題催改限
五月復又于五月初七日類催去後至六月二
十二日奉本部送戶科抄出浙江巡撫陸完學
奏前事內稱據糧儲道副使袁一鳳冊報追比
過杭州等衛所指揮等官李根仙等銀四千一
百四十五兩五錢零米二千五百六十九石七
斗零相應轉

奏繳緣繇六月十七日奉

聖旨戶部知道欽此崇禎四年八月十九日又奉本部送戶科抄出浙江巡按御史劉士楨奏同前事八月十六日奉

聖旨戶部知道欽此欽遵通抄到部送司又崇禎四年五月初六日奉本部送准山東巡撫余大成咨前事內開追抵過迺弁李如松等漕欠銀五百兩合咨查照緣繇又崇禎四年七月初三日奉本部送據湖廣糧儲道叅議劉永祚差官黃

河泰領解武昌等衛指揮等官周鎬等完過漕
欠銀一千七百二十九兩七錢七分各等因送
司隨即呈堂將湖廣解到銀兩劄行太倉銀庫
查收訖又崇禎四年十二月二十九日該本部
題爲漕糧積欠數多漕事成規大壞等事查覆
萬曆四十七年起至天啓七年止各弁掛欠漕
糧除浙江巡撫陸完學于運弁逋逃非法一疏
開有追抵過銀米各數外湖廣巡撫魏光緒疏
開追抵過武昌左等衛千戶等官張振邦等米

二千七百二十八石八斗七升零銀四千四百
六十五兩零又南直巡按御史饒京疏開追抵
過太倉等衛指揮等官赫勝祖等米七千五百
一十五石四斗五升零銀一千八百八十四兩
三錢八分零又江西巡按御史葉成章報稱追
抵過九江等衛指揮等官徐元奎等米三千二
百六十五石三斗八升零銀一千五百三兩四
錢九分零其餘俱未開報又崇禎元二兩年新
欠復多併乞

嚴旨催督緣繇崇禎五年正月初四日奉

聖旨漕糧積欠勒限通完乃報追僅十之一尚未解
部且有未經奏報者該管官玩肆殊甚爾部卽當
查明叅處何得但請嚴飭還着行各該撫按通查
經管道府職名及完欠確數若干詳開奏奪仍一
面將已追的速催起解未完未報并新欠的都着
依限嚴督追補如撫按徇庇延飾該部科一體叅
來重治欽此遵卽呈堂咨行各該撫按查明奏
奪追完解部去後又於崇禎五年正月二十七日奉

本部送戶科抄出總漕部院李待問題爲漕糧
積欠數多等事內稱據理刑司并各道開報先
後追完除陸續解過倉場等衙門及完掣通關
外實追過江北衛所自萬曆四十七年起至天
啓七年止掛欠糧銀八千七百五十兩二錢六
分七釐九毫一絲該司帶追過省直衛所掛欠
糧銀六千七百三十兩一錢二毫六絲一面行
令委官彙解又鳳陽等府州銀一千三十三兩
三錢八分七釐係在俸鈔月糧等項攤扣抵補

候查明陸續起解等緣繇正月十四日奉

聖旨該部查覈具奏欽此又奉本部送戶科抄出巡
按直隸監察御史史堃題同前事崇禎五年正
月二十九日奉

聖旨已有旨了該部知道欽此欽遵通抄到部送司
又奉本部送准總漕部院咨同前事將追完過
各弁糧銀另造文冊并送到部送司查得冊開
追抵過江北各衛

中都總下鳳陽等衛指揮等官田體道等共完銀

八百二十三兩七錢八分五釐八毫揚州總下
儀真等衛指揮等官朱胤昌等共完銀九百九
十六兩九錢二分三釐遮洋總下淮安等衛指
揮等官李用賓等共完銀一千二百三十四兩
一錢三分六釐淮大總下泗州等衛指揮等官
趙弘勳等共完銀三千三百四兩六錢二分四
釐七毫一絲又追抵過安慶等衛指揮等官高
應台等共完銀二千三百九十兩七錢九分四
釐五毫又代追過省直衛所錦衣總下鎮南等

衛千戶等官梁可濟等共完銀五百七十兩八錢五分五釐旗手總下水軍左等衛指揮等官趙永泰等共完銀一千九十兩六錢六分一釐二毫二絲上江總下九江等衛指揮等官任之亮等共完銀二千四百九十九兩四錢四分江西總下建昌等所指揮等官李允元等共完銀八百一十三兩八錢一分四絲湖廣總下沔陽等衛千戶等官繆文新等共完銀二百六十二兩九錢一分二釐二毫浙西總下紹興等衛

戶等官張文璧等共完銀三百五十四兩二錢
八分浙東總下金華等所鎮撫等官馬繩祖等
共完銀一百二十一兩六錢三分二釐下江總
下留守中等衛鎮撫等官俞應朝等共完銀一
千一十三兩五錢一分一釐以上通共完過銀
一萬五千四百八十兩三錢六分八釐一毫七
絲內湖廣總下武昌衛指揮羅倬完銀一百兩
武昌左衛指揮陳以傑完銀一百四十六兩七
錢五分先經該撫冊報到部該本部類疏具題

外其一萬五千二百三十三兩六錢一分八釐
一毫七絲并俸鈔月糧等銀一千三十三兩三
錢八分七釐俱見今續報者其于運弁逋逃一
疏雖未

奏報實係一事今該戶科題奉

明旨下部罰治相應并列具覆案呈到部該臣等看
得運弁逋逃非法一疏原從天啓六年起至崇
禎二年止於掛欠各弁中拈出脫逃一項另議
處分其設法追比責在道府依期

奏報責在撫按固宜各盡厥職共報

成命者也乃時踰一年有半臣部雖按限查催頽委
舌敝而回

奏者止浙江一省猶然完未及額其追解者湖廣
僅以一千七百餘兩計山東僅以五百兩計亦
云少矣至如漕糧積欠疏內湖廣撫臣魏光緒
南直巡按御史饒京江西巡按御史葉成章近
俱報有完欠數目然而逋欠之數尚居十之七
八雖積逋難於頓清而經管各有司存在道府

身任其責而撫按提衡於上可聽其悠忽而不
爲嚴督乎頃奉

明旨如何不行追徵奏報查明經管并該撫按照例
罰治仰見

聖明洞燭追徵在有司

奏報在撫按欲實加責成者也臣部正擬具疏上
請分別叅罰而總漕李待問已將追完過各弁糧銀
分別開列據報追過糧銀一萬五千餘兩又扣
俸鈔月糧等銀一千餘兩并南直江西俱載在

其中夫遲并掛欠止有此數查漕糧積欠疏內
各撫按先經類報總漕臣復又具題似亦痛革
積習加意追脩非復昔年玩愒之舊矣此而再
加吹索未免阻人好義之心此而輒行寬假又
將啓人情瀰之氣合無姑免罰治行令各該撫
按查明見任經管道府職名存案限本年六月
內共完一半年終通完不如額者從重罰治斯
亦

皇上格外之鴻仁而激勸之妙術也至于已經完報

者勒限起解務令錢糧到部方爲不托空言庶
功令肅而人心惕矣既經該司查覆前來相應題
請恭候

勅下臣部移文各該衙門一體欽遵施行

崇禎五年二月十一日具題本月十五日奉
聖旨選弁脫逃掛欠既有追過糧數已經各撫按及
總漕題報姑免罰治仍查明見任經管追徵各官
職名依議勒限歲終通完違者重罰其報過已完
銀兩卽着解部查收具奏欽此